

КОЛХОЗНИКУД БОЛН МЕХАНИЗАТОРМУД УЛМ НИИЦНЪГЪҮ БОЛХ

МТС-н бүрдәмджиг оньгдарулдж, колхозмудт техник хулдлгън—мел цагтан кегдджәх керг-үүлдвр. Колхозмудт МТС-н теткмджд бәәдг бәәдлд тракторн бригад джөөлн хагъллгъар гектарин тоогъинь икдүлхәр зүткдг билә, колхозин полеводческ бригад болхла, көдлмшин альк нег дуту-дундиг тракторн бригадт даалгъхар седдг билә. Ода ним бәәдл уурчана. Эннь тегәд колхозин эдлахун өөдллтд сән туста болхнь лавта.

Минигъәр болхла, нег газр дала техник хулддж авхмн биш, түрүмәд эркин кергтәгъинь авхмн. Мана бри-



Л. ВИННИКОВ,
комплексн бригадин бригадир



гадт чиргддг 2 комбайн, эврән йовдг 1 комбайн, гусеничн 2 трактор, „Беларусь“ болн универсал трактор бәәхлә болх билә. Ода деерән бригад болгънд 4 комбайн авад керг уга. Көдлмшин цагтан комбайн болгън өдртән 45 гектар тәрә хурахла, бригадин тәрәнә көдлмшиг гурвн ком-

байнар 10 хонгин эргцд дуусдж болх гиджәнәв.

Дакад колхоздан, багъ гихдән, өвс хаддг 20 маши авх кергтә. Силос болн эрдни-шишә хурадг комбайнс бас авх кергтә.

Ода колхозин газр деер хойр эзн—колхоз болн МТС хойр бәәлгън уурад, цуг колхозникуд болн механизатормуд улм ницинъгъү, нег өркбүл болад көдлх бәәдл учрджана. КПСС-н ЦК-н февральск Пленумин токтаврт хәрү өгч, көдлмшин шин бәәдлд хаврин тәрәнә көдлмшән, малин төл авлгъан, эдлахун цуг көдлмшән үзмдجتә сәнәр кехми.